


## VE Grebak d.o.o. demantuje medijske navode

25.01.2020 19:40 | koncesija, Miralem Čampara, petar djokic, ve grebak



Firma VE Grebak d.o.o. Nevesinje je na našu adresu uputio demanti koji je potpisao Miralem Čampara, izvršni direktor. Saopštenje prenosimo u cjelosti.



Na portalima Capital.ba, Hercegovina.net, Novosti.rs i NebojsaVukanovic.info kao inicijatorima i drugim medijima koji ih prenose, izneseno je čitav niz neistina na račun projekta vjetroelektrana Grebak i Miralema Čampare, izvršnog direktora firme VE Grebak doo iz Nevesinja. Budući da neistine koje su iznesene, vezano za VE Grebak d.o.o. koja razvija i priprema izgradnju projekta vjetroelektrane, mogu naštetiti ugledu i poslovanju firme tražimo da, u skladu sa Zakonom o kleveti RS i Kodeksom za online štampu i online medije, objavite sljedeći demantij:

- Miralem Čampara nije nikada bio pripadnik odreda El-mudžahid.** Isto je lako provjeriti u službenim evidencijama države.
- Ministar Petar Đokić nije dao koncesiju Miralemu Čampari,** već je u transparentnoj zakonskoj proceduri Ministarstvo energetike i rudarstva, uz Rješenje o izboru ponuđača i dodjeli koncesije **Vlade Republike Srpske, dodjelo koncesiju firmi VE Grebak d.o.o., Nevesinje** (osnovana 2016 godine). Ovaj projekat predstavlja **direktnu stranu investiciju investitora iz Njemačke** koji ima ogromno dugogodišnje iskustvo u projektovanju i izgradnji vjetroparkova.
- Razvoj projekta vjetroelektrane do izgradnje obavlja firma VE Grebak d.o.o., koja predstavlja projektnu firmu ili ranije firmu u osnivanju. Finansijska sredstva za projekat obezbjeđuju osnivači. (U ovoj fazi projekta, kada imate samo ulaganja, a nemate prihode normalno je da u završnom računu iskažete gubitak.) Jedan od osnivača je i firma koja je unijela svoj kapital vezan za samostalni razvoj projekta u periodu od 2008 – 2016. **Vrijednost projekta procijenjena je na 130 miliona KM,** a troškovi razvojne faze iznose oko 5 miliona KM.
- Poslovna politika firme se zasniva na poštovanju propisa i procedura uz uvažavanje transparentnosti, te se ponašala u zajednici kao društveno odgovorna firma. Za takav način rada imali smo **punu podršku projektu od lokalne zajednice i svih nadležnih institucija.**
- Zbog učestalih napada na pojedine članove uprave i firmu u cjelini koja traje od avgusta prošle godine dužni smo reagovati u **svrhu zaštite prava kapitala i osoba** što podrazumijeva uključivanje svih relevantnih institucija kao i zakonska sredstava na nivou RS-a i BiH kao i iz države iz koje dolazi značajna investicija.

Zbog svega gore navedenog uprava **VE Grebak d.o.o.** ograđuje se od svih navoda na gore navedenim portalima i obavještava javnost da **ne želi da bude predmet sporenja** u bilo kakvim političkim sukobima političkih stranaka ili pojedinaca.

Prije svega, prilikom objavljivanja teksta punog neistina **prekršili ste osnovni princip** na kojem počiva profesionalno novinarstvo te namjerno **niste tražili komentar** ili uputili bilo kakvo pitanje ili zahtjev za komentarom kojim bi potkrijepili Vaše tvrdnje. S tim u vezi, tražimo da se ovaj demantij koji vam šaljemo objavi u potpunosti i to na istom mjestu gdje je objavljen izvorni tekst.

Ukoliko ne objavite ovaj demantij bićemo primorani, da u cilju zaštite ličnog integriteta i firme VE Grebak d.o.o., protiv vas pokrenem tužbu pred nadležnim sudom u BiH i Vijećem za štampu.

Izvršni direktor

Miralem Čampara



Direkt

Direkt

<https://www.direkt-portal.com/o-nama/>

[redakcija@direkt-portal.com](mailto:redakcija@direkt-portal.com)